

欽定石渠寶笈續編

欽定石渠寶笈續編

第三十八

御書房藏

三

列朝名人書畫

三

陳汝言百丈泉圖

一軸

〔本幅〕宋牋本縱三尺六寸橫一尺五寸二分

水墨畫高山懸溜叢薄中有刹宇款至正二

年庚子正月二日廬山陳汝言寫有周南等

題

千尺流泉幾屈盤何人卓錫向巔屹鑿開靈
竇雲根冷分出天也玉乳寒接竹引流來屋
角隨風飛瀑下林端清甘未許輕題品暇日
重來褒貶團已亥春仲留海雲三日登山觀
百丈泉嘗賦此詩公餘每追想山泉清勝遂
微能盡者圖其髣髴并寫詩於上奉寄允元
禪師以寓景仰云庚子歲正月望日周南頓
首

沈沈雲腹漱石根故人圖寫寄殷勤去年憶
共源頭看晴雪曾濡白練展張經
不見神僧卓錫時化人龍送亦無疑玉虹直
下雲千尺山骨中間隨一支在險重輕誰可
較發蒙沾溉我深思麝香塢口秋如海洗耳
來登一賦詩錢唐德祥題
泉流千尺到禪關勢極高原自下還百丈氣
鍾成玉乳一文鉉迸落青山明珠亂灑松杉

外甘澤遙分畎畝間許我移居清磎曲枕書時得聽潺湲趙質

樹沙落寒泉飛簫百大連清歸香積僧遠下

夢藍天寫景山如故題詩客已仙登臨可汲

濯深泊數哀年樵李朱逢吉鈴印二朱以貞

印納齋

鑒藏寶璽

全璽

叔傳印記宗重貴家長宜子孫雲間刺史耿

繼訓印

解縉自書雜詩 一卷

本幅宋紙本。縱一尺八分，橫一丈四尺六寸。

草書。去歲端陽奉御筵，金盤角黍下遙天。黃

封持賜開家宴，回首薰風又一年。

右廣西感舊 荔

枝子結蟲窠，綠倒黏花開。女臉紅望見，石城

三合驛便分歧。路廣西東。

右過三合驛

上將勲庸

動百蠻，偏裨威畧重如山市。橋一堦當千里。

橫梁青天白晝閒。

右文趾市橋

九月明江日尚遲。

村園果熟正離離故人尺素青雲下書後黃

柑玉露垂顆暈靈芝金作粟葉繁薌霧翠為

枝常時錫貢來京國尚憶金盤進御時

右謝友人

惠黃柑

蒼梧城北繫龍州水接南天日夜流冰

井鱣池春草合火山蛟室夜光浮千家竹屋

臨沙葦萬斛網船下石頭伏枕夢迴霄漢近

珮聲猶在鳳凰樓

右過梧州作

繡水東流合鬱江

古藤城郭鎮南邦山雲橋度飛虹並江月樓

空乳燕雙晴日鶯花紅張錦陰風烟樹碧油

幢吹簫喚起蛟龍舞金鴨焚香倒玉缸

右過藤縣

久客懷歸歸便休鄉園隨處輒淹留淋漓宮

錦千鍾醉不用人間萬戶侯

右歸鄉偶作

此余近

日所作數詩皆率爾而成今又率爾書之雖

然未嘗敢棄古自為也中間複筆覆筆返筆

之妙付有識者自辨之永樂庚寅五月二十

三日夜京城寓舍書與禎期解縉識接紙王

穉登跋。

解學士書法縱放詩亦淋浪往往有蒼鶻脫
鞬之氣此卷益其左邊及歸田時作故尤悲
憤感歎扼掣不平所謂借此以洩其硯礪者
耶李將軍罷郡卧藍田無所事事乃誤石為
虎射之飲金沒羽視之石也再射則矢躍亡
蹟其事大類戲劇古來豪士被屈往往托之
游戲坐銷歲月王處仲歌老驥伏櫪擊唾壺
盡缺觀者無謂解先生多兒女子態也壬子
仲月十二日王穉登漫書鈴印二王穉登印
王百穀氏

鑒藏寶璽

八璽全

收傳印記兒易圖書敬齋藏法書子安珍藏

記安中之印皆山樵者有竹莊先生奇觀

謹按解縉以永樂五年謫廣西布政司叅議旋改交趾督餉化州八年始還此詩蓋謫後所作此書付禎期禎期縉後子亦以書名

王紱畫草堂雲樹 一軸

本幅素綾本。縱三尺七寸，橫一尺一寸。水墨畫峻嶺喬木，草堂趺坐童子，扶冊林外。來自題：溪水涵秋，鶴影孤。草堂雲冷，樹模模糊。相看未遂，還山約。空復于今，寫畫圖。毘陵王紱寫并題。鈐印二友石生孟端。

御題行書

野亭獨坐那嫌孤，心託遙峯朗不糊。歸與弗歸

原在己底須惆悵寄詩圖
丙午秋月即用幘
中自題韻御題鈐寶二古稀天子之寶猶日孜
孜

鑒藏寶璽

全八璽

夏景書小學

四冊

本幅素牋本。四冊。第一冊十四葉。第二冊十二葉。第三冊十七葉。第四冊二十葉。縱六寸橫七寸八分。至六寸四分不等。小楷書。朱熹小學全部。文多不錄。款正統壬戌歲。吏部考功主事東吳夏景敬錄。鈐印一。夏仲昭氏印。末二葉自跋。余自正統間省祭回。有琴川恒軒錢君公達與余忘年交。一日放舟過承恩堂。叙

舊余出視手錄文公先生小學書一卷喜而
索之迄今二十餘年矣順天丁丑歲復獲賜
歸田癸未三月因至其華第恒軒乃攜其冢
孫曰潤出而拜揖之兼示此卷潤即曰願求
先生識於後余自歎衰老目昏手鈍深感於
中無復如昔日用筆之精健也遂識以歸噫
潤生宜寶藏之嘉議大夫太常寺卿自在居
士夏杲仲昭重識於昆湖舟次時年七十有

六也。鈐印三。夏景仲昭印。太常卿圖書靜學齋。後有文徵明跋。

太常卿昆山夏公。以善畫竹石名世。而書法尤工。為文廟所喜。嘗考其書第一。初授中書舍人。賜第宅。特免朝參。以備顧問。歷任中外四十年。以列卿致仕。年八十六終。平生於書用功最深。晚歲家居。年已七十。猶閉閣習書。日以千字為率。一時人徒知其書法之妙。非人所及。而不知其精勤也。余生晚。不及識公。而娶於吳。為公外孫。故得其詳如此。此卷為江陰朱子儋氏所藏。首尾三萬餘字。字僅僅如菰。精楷妙絕。無一筆苟率。固足為公平時用力之驗也。正德九年歲在甲戌春二月廿又五日。外孫壻長洲文徵明拜手謹題。鈐印。

二〇傳雲生文徵明印

鑒藏寶璽

八
金

取傳印記永吉曼修氏鑒定真蹟

戴進畫山水一軸

本幅絹本。縱五尺八寸。橫三尺四寸五分。水
墨畫山巖叢樹。水閣坐者三人。一人曳杖自
山下來。溪中釣艇一款。錢唐戴文進寫。鈐印
一靜庵

御題行書。

或坐溪堂。或策筇垂竿釣者。泛孤舸。幽人勝處
適其適。高士寫餘逢。未逢不雨崇峯。猶氣潤當

秋叢穢尚陰濃。莫愁谷口蒲車至。複澗迴巖鎖
正重。戊戌新秋。御題鈐寶二。乾隆

鑒藏寶璽

八璽
全

計盛貨郎圖 一軸

本幅絹本縱六尺橫三尺一寸設色畫雀籠
戲具嬰兒隊嬉款直文華殿畫士計盛寫鈴
印一金門畫士

鑒藏寶璽 八璽

[illegible]

馬軾春塢村居圖

軸

本幅絹本縱五尺七寸橫三尺五寸設色畫
山中村舍老者扶杖歸婦人稚子執事嬉遊
款練川馬軾鈴印三練川馬軾敬瞻筆補造
化

鑒藏寶璽

全八璽

周琇溪山勝槩圖一卷

本幅素牋本。縱一尺橫三尺六寸三分。設色畫層巒密樹。茅屋輕舟。款正統五年庚申春二月既望日。長洲周琇鈴印二公璣周公璣氏。

後幅前人題跋

巖日鎮相於林光霜後經人行樹根下僧食鳥銜餘穴石就為研栽蕉分學書遠峯如疊浪秋色隔江疎泉僻飽樵客余思此結廬不然疲往返何以樂居諸樹杪雲如狗山坳雨

自魚野花薰午睡香氣染空虛近作二首太
原孫國光鈴印三光明藏字曰自觀孫光之

印

開闢龍門一洞天玲瓏紫翠結雲烟羣山拱
伏環千里元氣流通湧一泉赤脚禪僧騎虎
入黃冠仙子伴龍眠我來埽石焚香罷一笑
心同太極先林聲遠鈴印三林聲遠印起之
父闕山淮水間人
日落繞樵逕牛羊欲下來歸雲棲絕巘墜葉
覆荒苔揮翰臨端石行吟上嘯臺平生寥濶
意盡付手中杯湖色澄秋壑空庭月正懸露
華寒冉冉林影淨娟娟銀漏休相促瑤巖莫
惜傳泛槎牛斗上錯認是張騫洞上朱斯達
鈴印二斯達行可氏

鑒藏寶璽

全璽

取傳印記凝馨閣博雅堂珍藏印士樵曾觀
周于舜氏王革之印

沈周寫生 一冊

本幅宋紙本。十六幅。縱一尺一寸二分。橫一尺八寸。潑墨畫花卉果實羽毛昆蟲。凡十九種。第一玉蘭。第二蝴蝶花。第三萱。第四荷花。第五蒲桃。第六雁來紅。第七雞冠花。第八菊。第九鱗蝦。第十螭房蚌蛤。第十一蠅。第十二白鴿。第十三雞。第十四鴨。第十五貓。第十六驢。每幅鈐印一。后南末另幅自題我。

於蠢動魚生植。弄筆還能竊化機。明日小窓
孤坐處。春風滿面此心微。戲筆此冊。隨物賦
形。聊自適閒居飽食之興。若以畫求我。我則
在丹青之外矣。宏治甲寅沈周題。鈐印二后
南白石翁

御筆分題行書

簇簇玉光蔚。菲菲蘭氣勻。似中無刻畫。淡處有
精神。磊落偏饒韻。芳華不藉春。分明稱木筆。寫

照倩他人。天公賦物本無名。誰其名者應非
本於非本裏。爭是非多見其為失之遠。翩翩者
蝶。翩翩花。即一即二。胥名加。謂花非蝶。寧非也。
曰蝶是花。詎是耶。娟娟者。藹舒舒。草露態風姿。
聊自好。漆園吏與宋大夫。兩不知。分堪絕倒。
葉綠與花黃。無情自在芳。持將贈屈子。定是不
能忘。卉中君子號。雖同淡白。應知勝艷紅。水
鏡當前難辨色。祇饒香氣噴翁濛。蜿蜒雲中

龍綴珠如活汞。自是九天漿。謬曰大宛種。圓圃
內外馳。不可覓其空。何須詡絕域。徒致聽睹悚。
宜作念珠觀。五蘊淨心孔。此是日觀法。石田肖
生動。點綴山根與水涯。鴈來時節發芳華。非
英灼灼寧非卉。是葉飄飄都是花。十樣錦鋪滕
西地。一竿竹倚出東家。傍人莫訝輕窺宋。還笑
悲秋愴自嗟。萼不全異花品。命却同譜層疊
芳總纈。昂藏絳冠吐。啾啾雖未鳴。六義懷風雨。

不礙芳華瀟灑，無雙節概清高。千秋知己誰
是，歷數惟屈與陶。賦形造物信多奇，介類屬
乾。又象離，敵虎從來誇郭索，夾蛇終得濟波斯。
無腸應識於中直，有骨惟看向表披。逮謝金膏
玉脂，日可懷江淨月明時。畫圖以外能說，偈樽
俎之間別繫思。不戒十門分進饌，徒稱置筯亦
何為。鰕遊海躍沙，稱玉德號李遐腸。腦直屬
脚鉗，八叉紅殼如琥珀。青甲變蘆葭，獻庭見說

援耳為盃或出南巴試看啟南數筆寫何異慈
明一棒擎 螭房堅似石附積或如山閉口深
藏汁自固計圖安以其有可欲錐刀終致鑽佐
飯解朶順醒酒迴頰顏詩實堯臣好寓意別有
道 蟹種十二螭蚌居首或曰撥棹水中善走
既入畫譜亦列食單嘉賓譙集一具專盤鵲為
突眼蝸為俯腹蛇以其腦鱉如其足萬類憑生
不齊之齊加恩處士是曰滑稽 鶴之馴者常

近人。或其煮之羣譏。謂鴈之馴者亦近人。孰不
烹之供勸酬。一例羽族清俗異。况入淹寒佐鉶
毛。何不飛去保爾生。小弗忍焉為梁稻。五德
韓詩載。三號史記稱。銜珠占瑞兆。逢玉叶休徵。
立若矜雄峙。聞當念夙興。花冠原自好。芥羽誰
相應。士雅中宵舞。安東三雀登。昂然圖畫裏。似
伴徃山僧。浮波不殊野鷺。登陸復伴家雞。水
暖春江知也。城墮吳地淒兮。巨山已誇淹博甫。

里誠善滑稽獨立那須長隼九思湯擬集鶴

左傳稱六畜訖未其名廁君子有事迎却實見
禮記禮記義何宗食鼠佐農功張湯雖老吏薰
穴終難空難空冀北羣飛兔與麒麟不如跛之
技寸長尺短分短分蘇氏罵捕雞則堪訝二徐
記細故亦何關治化吁嗟乎驢不見六經之
由問出魏晉之書題面學鳴鵲蕩已甚豈知名
教之樂非虛旅食京華灞橋風雪斯則詩人所

以愛諸異哉石田淡墨間掃而長耳四蹄之形
神畢肖無餘是忘筌也是契堯也豈類乎刻楮
者之分疏丙戌仲春上澣御題每幅分鈐寶
乾隆宸翰幾暇臨池中心止水靜靜中觀造化
朝日輝几席有餘香寫生染翰齊物慎脩思永
莊敬日強落花滿地皆文章妙意寫清快會心
不遠德充符雲霞思涵虛朗鑑抑齋日監在茲
絜矩秀色入窓虛取益在廣求研露叢雲典學

勤政。乾隆。

前副葉觀物之生篆書無名款

後副葉高士奇題跋

此石田翁晚年率意神化之筆。作蝦蟹魚螺與葵萱諸種皆粗筆淡瀟一揮而就生氣奕奕如睹。末又掃一驢蹠蹠皆一筆曲折起止可數真絕品也。翁亦自以為不可復得故題詩於後。蓋自言其用思入微而以神取之。妙向藏嘉興李九疑鶴夢軒筆記於六研齋轉轉流傳歸之我手。改裝成冊。書九疑語於後。以見珍重焉。計十六幅。康熙甲戌春正月廿四日。積陰微寒。庭梅香爛。滌研書於簡靜齋江村高士奇鈴印三士奇高澹人高

御題之

詹事。

鑒藏寶璽

八璽全

古希天子。

收藏印記。朱卧菴收藏印。寒士精神。休寧朱之赤珍藏圖書。朱之赤鑑賞卧菴卧菴道士。蕭凡齋。老卧醉鷗。嘉禾李氏珍藏。檇李李氏。鶴夢軒珍藏記。懋仁。北墅李肇亨東南之美。珂雪留耕堂印。士奇。高澹人。高詹事。從吾所好。竹窓。麝香齋。菊磬。

[illegible]

沈周高賢饌別圖 一卷

本幅素牋本。縱九寸九分。橫九尺三寸七分。
設色畫樹石橋亭。亭前一人拱立迎客。來者
十四人。各標姓氏。祝支山。徐天全。袁補之。王
酉室。袁胥臺。文衡山。沈石田。吳匏菴。彭隆池。
唐六如。朱大理。楊南峯。都南濠。蔡林屋。從者
十一人。款十四名公像。長洲沈周畫。鈐印二。
啓南。石田。

引首高賢餞別。延陵吳寬題。鈐印三吳寬乾

菴延陵。

後幅沈周序。祝允明書。

送于孟功先生赴召入京師序。錢塘于孟
功先生德學聞望為一時所稱。嘗為常孰令
退居漂陽。於茲三年。充乎裕如。恒無怏怏不
足態。有子弟可以代其力役之勞。有畎畝可
以供其歲時之需。居一廬不俚不華。僅除風
雨。靜則與圖書琴瑟偕。動則與烟雲花鳥俱。
客至輒具茗焚香酌酒。命題談古今。說道理。
倘徉逍遙。若將終身焉。而不知其在客也。當
路有知先生者曰。孟功豈隱者哉。方今大明
麗天。旌別淑慝。登崇俊良。仕相薦之。朝未幾

思命寵臨。徵書煥頒。聲達鄉邑。光生草萊。先生幡然喜曰。天之生材。必有以用之。我豈果於忘世者哉。矧今明良相逢之時。我與其兀兀窮簷。同草木腐。豈若施吾所學。而流聲光後世哉。誦其詩。讀其書。追慕古虞夏商時。豈若於吾身親見之哉。日吉辰良。戒行在期。我鄉大夫士相與設。鍾鉤。炳耀道旁。觀者嘖嘖。壯門外。長篇短章。鏗鉤。炳耀道旁。觀者嘖嘖。壯之。酒三行。有執爵而言者曰。昌期敬為先生退。不絕俗。進不違時。幸值此昌期。敬為先生壽。又有執爵而言者曰。嘗聞體大者用廣。器宏者量深。先生抱負超於人。其所施者。顧快親焉。子時聯席座末。廼執爵而終之曰。茲逢聖治維新。凡我屏斥之人。莫不將濯剗礪。磨滅垢瑕。思以奮志自效。況海宇之廣。賢材衆多乎。先生行當榮登要津。固宜開導大臣。

招徠善士。以副朝家側席求賢意。則大臣之功莫加。而先生之名無窮焉。先生曰。然。敢不蚤夜以從之。子因次其言。并圖以贈。宏治二年仲夏。既望。長洲沈周撰。同邑祝允明書。鈴印三。允明。祝。晞。招。枝。山。

鑑藏寶璽

八璽

沈周盆菊圖 一卷

〔本幅〕素牋本。縱七寸四分，橫二尺六寸六分。
設色畫茆亭中三人坐飲，庭列盆菊。題云：盆
菊幾時開，須憑造化催。調元人在座，對景酒
盈杯。淅水勞童灌，含英遣客猜。西風肅霜信，
先覺有香來。長洲沈周次韻并圖，鈐印二啓。
南石田。

御題行書

圖中生面開。秋意鎮相催。籬下香盈把。霜前酒
當杯。畫詩皆可入。蜂蝶豈容猜。展卷清吟處。重
陽得得來。乾隆御題。即用卷中原韻。鈴寶二
會心不遠。德充符。

後幅諸人唱和詩

佳會好懷開。無花羯鼓催。憑欄聊遣興。對酒
且銜杯。空傲風霜冷。還應賓主猜。數莖含笑
意。不發待誰來。百花多自開。汝獨費誰催。
徒倚羞吹帽。徘徊漫舉杯。時清人共樂。歌沸
鳥驚猜。爛漫知何日。徒勞此一來。西郢侶鍾
鈴印三。大器而成進士西郢。

九日小亭開。花遲待律催。臨風初試笛。倚座
且停杯。偶舍人應訝。窺簾鳥亦猜。欲知真節
槩。管取帶霜來。蕭灑數枝開。常年不待催。
花神今索酒。聖浪傳杯坐久吟。初遍看餘
意轉猜。主人情更重。還約客重來。滿意待
時開。何須羯鼓催。延齡看入藥。掇艷擬浮杯。
氣候書難准。寒溫理莫猜。風霜嚴歲晚。定許
見花來。町江張昇鈴印。二町江張氏啓明。
九日菊須開。花神豈待催。買栽原為節。立候
儘停杯。遲蚤真誰使。紅黃謾自猜。何時看爛
漫。還約數公來。亭上一尊開。尊前疊鼓催。
來參珠履客。喜為菊花杯。佳色寧教負。重期
不用猜。抱琴知慙未。須挾小奚來。花徑幾
時開。花神好耐催。豈應遲暮色。却避早時杯。
地產元非別。天時豈合猜。酒闌花欲笑。殊覺
晚香來。此菊為誰開。詩神薦地佐。未論高

僅尺還見大如杯壽客行應到靈源路莫猜
芬芳定明日已喜蝶蜂來催菊之和初止
得一首苑菴少之用掇拾三疊如右蓋卷長
資以塞白則可不然不若少而精者佳也呵
呵新喻傳翰識鈴印三曰川體齋西樓

鑑藏寶璽

金八璽

收傳印記朱之赤印子孫保之卞氏泉菴珍
賞真賞

沈周松巖聽泉圖

一軸

本幅素牋本縱四尺三寸五分橫九寸八分
淺設色畫遠岫喬松畧約一人坐石上自題
占得此溪好風光無別家携筵來洗藥跂石
數流花有月分清影容漚割淺沙我期聽嗽
玉竹外小橋斜沈周鈐印三煮石亭启南石
田有前人題

御題行書

獨坐屢屨上。知他何處家。蔭松認秋籟。聽瀑落
泉花。豎勢分雄礪。平紋漾淺沙。興閑歸草舍。應
步曲橋斜。丁未孟冬上澣。用沈周韻。御題鈴
寶二古希。天子猶日孜孜。

迸出松根白。流來石澗清。盤回皆篆法。冷淡
不塵纓。坐聽夢初醒。吟觀詩見成。幽人住泉
上。得此一溪名。桐村鈴印三古秀。亭伯器下
可以挂車。

鑑藏寶璽

全八璽

收傳印記陸伯范氏清白吏子孫

呂紀畫草花野禽 一軸

〔本幅素牋本〕縱四尺五寸七分橫一尺八寸四分設色畫秋景雜花飛啄野禽凡五無款鈐印一四明呂廷振印有沈周題

御題行書

蘆葉蘆花金籟候一時物物具秋心枝頭根底呼羣者隨意徘徊聚野禽 按畫中蘆花紅果皆秋景而沈周乃有春風各有時哉樂之句可

謂不知時並不知畫周不宜有此或係偽為者
並識於後壬寅新秋御筆鈐寶二古稀天子猶
日孜孜

呂子觀生都在手老夫觀物得於心春風各
有時栽樂細草幽花伴野禽沈周鈐印三煮
石亭沈啟南氏白石翁

鑑藏寶璽

八璽
今

收傳印記天籟閣項子京家珍藏宮保世家

唐寅畫山水人物一冊

本幅素牋本十幅縱一尺二寸橫一尺九寸
四分水墨畫第一寒山石磴梅徑携琴第二
雲壑喬松山間騎犢第三溪橋烟雨蓑笠歸
漁第四古柏擎枝濃陰坐寐第五雲氣隱崖
倚觀飛瀑第六秋蘆寒月扁舟橫棹第七竹
梧夜色仕女搗衣第八臨溪眺覽松石高寒
第九古木蕭慘寒鴉欲集第十山城暮色急

景歸人。款晉昌唐寅畫每幅分鈐印吳趨唐
伯虎南京解元伯虎唐寅圖書六如居士

御筆分題行書

香雪叢中小立遲背携殘卷意何為前身應是
楊元咎默識精神一譜之長松之下野溪濱
牛背居然見若人吳趨解元多識古不知為甯
抑為陳漁師緣底愛烟波筍裏魚租沽酒多
萬事浮雲與流水一身雨笠更風蓑寄傲何

人此晝眠。長林豐草性相便。翛然無事。軒然適
莊蝶不教到夢邊。飛流無底上無天。護以雲
容縹緲間。伯虎偶然臨墨記。青蓮重得對廬山。
水涉無妨且泊之。西風明月荻參差。最欣逸
士詩中畫貌得。郎中畫裏詩。永巷楸梧漏月
明。長秋宮裏發秋聲。不知班女拋紈扇。彼此金
風多少情。落落疎松臨斷岸。濤聲直與泉聲
亂。却如叔夜宿華亭。黃綠傳得廣陵散。何須

繞樹歎無枝。正是飛還鳥倦時。獨倚寒林聊縱
目。遠山重叠夕陽遲。覓宿鳥棲楓柏穩。趁歸
人恨路途長。晉昌筆底饒禪偈。為悟匆匆名利
場。乾隆丙寅秋御題。每幅分鈐寶叢雲乾隆宸
翰。惟精惟一日。監在茲。激觀幾暇怡情。含輝天
龍三昧。樂天幾暇臨池。德充符會。心不遠莊。敬
日強墨。雲典學勤政中和。涵虛朗鑑。乾隆

唐寅畫山水 一卷

[本幅素牋本。縱八寸橫六尺五寸。水墨畫水閣清談。孤舟發棹。無名款。鈐印四。夢墨亭。唐居士。唐寅私印。六如居士。]

御題行書。

訪幽野艇泛清淳。水閣遙知待發硯。識得六如真面目。石渠幸早弄蘭亭。卷內無名而有六如居士圖記。圖記雖可贗鼎。而筆法與石渠寶

笈所藏唐寅蘭亭小卷氣韻無少差別故知為
的係唐寅真蹟云庚辰春日御題并識鈐寶二
幾暇臨池得佳趣

鑑藏寶璽

全八璽

唐寅畫金閨別意 一卷

本幅絹本縱九寸橫三尺九寸五分水墨畫
塔院遠山長橋水市衣冠民庶雜沓渡頭一
官人立鷁首相向拱揖舟師作抽帆狀自題
別意江南柳相思渭北天一杯黃菊酒五兩
黑樓船故舊情悽切窮民淚泗漣傾危賴扶
植丹陛莫留連侍下唐寅詩畫奉餞鄭儲豸
大人先生朝覲之別鈴印二南京解元唐子

畏圖書

後幅前人題詠

答陳貞父太守。迷花醉月，冶城遊暫，向吳門。
一艤舟黃菊未吟先欲去，青山如畫，豈能留。
六朝舊事江聲在，三竺新晴，暮靄浮最，是長
洲。凋敝甚，秣陵休道不宜秋。張山人歸自
薊門，見訪作黃金臺畔草如烟，游學離家十
二年。幸舍已空，珠履盡，公車不召，黑裘穿干
條。楊柳金閨陌，九月鱸魚，雪水船不似蘇秦
無負郭，峴山猶有種桑田。寄丁元甫大令
廳事蕭然，上綠苔，衙齋惟有鶴飛來，似都漫
說三天子，茂宰元非百里才。山氣出雲當戶
繞花枝，寒露滿城，我黃山白嶽，烟霞地見烏
朝翔。翔日幾回，贈陸貽孫。甲子沉陸，陸沉。

悠然鹿愛長林雀宣門冷秋容淡菊瘦籬
疎簾雨深把酒恰看孫五世藏書都廢產千
金元纁白錦何須問誰識南山隱者心得
王允昌太史書却寄一札飛鴻遠寄將美人
回首碧雲傍誰家別墅基堪睹到處名山書
可藏能詩不數王中允愛日渾如李贊皇我
亦誅茅潭水上梅花千樹覆滄浪答何啟
國宗伯銀魚焚向碧山中薜荔芙蓉十畝宮
此日周南仍太史千年河上又仙翁青藜堪
出躋雲壑絲服成來對菊叢何必金莖堪愈
渴濁醪原不負秋風近作七言律詩六首
偶閱唐解元金閨別意見其筆法縱放意態
橫絕欣賞再三因錄於後王禪登鈴印二王
穉登印青羊君
寄題何震川侍郎園居豈為焚魚戀故蹊將
從求點買山棲波分汝海疏成沼山學胎簪

鑒金藏寶璽

全八寶

累作梯時復談天開碣字一非闕避地築桃溪
春風未許娛花月早晚微書下紫泥寄題
王師竹太史園居休沐暫容違建章待歸先
築午橋莊林巒晴接青嵩色花嶼春吹玉署
香紫氣高懸留客處白雲長護讀書堂夢龍
巢許從吾好舒卷無心樂耒耜成少保過
山居夜話兩催小隊到寒林濁酒青燈話自
深烟水五湖成隱計秋風一棹見歸心眼看
金盡交難固身為愁多老易侵猶喜有家滄
海上赤松黃石可招尋王庭久已幕南空石
畫全勝血戰功自倚條侯專閭外誰令親守
去雲中籌邊總誤書生篋援錢難成國士風
昨報敵來填黑峪撫解應念舊元戎吳下周
天球鈴印二止園居士周氏公瑕

取傳印記真賞丹誠漢水耿會侯書畫之章
珍玩會侯珍賞琴書堂華巔鑒賞

唐寅燒藥圖 一卷

本幅素綾本。縱九寸橫三尺七寸五分。設色
畫道士危坐。童子守爐燒丹。自題人來種杏
不虛尋。彷彿廬山小。迳深常向靜。中叅大道
不因忙裏廢。清吟願隨雨。化三春澤。未許雲
閑一片心。老我近來多肺疾。好分紫雪掃煩
襟。款晉昌唐寅鈐印三。南京解元吳超唐寅

私印

後幅祝允明仁軒銘

醫師陸君約之仁軒銘伊元亨降萬動一茲
理吾具施有報本茂此彼繫軒皇推餘方獲
厥績則以喜肆名字以白厲匪耀美近奉初
充七孔溢伯體求无息發有第優優爾睇子
淵何人也晞之是式盤孟鏡話言欽不怠貢
士祝允明作鈴印二江風山月杏雨堂

鑑藏寶璽全

收傳印記商邱宋榮審定真跡

謹按是蹟見清河書畫舫詩款同後有劉沅
題五律一首今失之

唐寅畫溪山行旅

一卷

本幅絹本縱八寸五分橫三尺九寸五分淺
設色畫高崖紆棧下帶野水擔渡橋者兩岸
弛擔者騎涉者負且涉者牽且涉者徒涉者
款晉昌唐寅

鑒藏寶璽

八璽
全

周臣漁邨圖

一卷

〔本幅〕絹本。縱六寸五分橫五尺七寸。設色畫
漁莊漁具諸景物無名款。

御題行書

或周或唐未可知。西廬定為周所為。豪髮雖不
踰繩墨。有生動意斯誠奇。取魚之具罔不備。取
魚之法罔不施。我欲僂指舉其名。大約弗出皮
陸詩。浮家泛宅固莫定。而有定焉婦子隨。幾迴

撫卷興慨嘆是中豈無王者師 癸巳暮春月
御題鈴寶二乾隆

後幅王時敏題跋

六如師承東村後有出藍之譽以六如清放
特甚而東村豪髮不踰繩墨者也此卷樹石
古雅人物生動真得南宋規度而少軼宕之
筆當是東村佳製惜題跋俱已割裂為周為
唐世無辨者余則以為非東村不能有此作
也丁酉夏日西廬老人王時敏識鈴印二遜
之王時敏印

鑑藏寶璽

全八璽

收傳印記南京解元六如居士唐寅之印文
彭文徵明印太史氏枝山

仇英秋江待渡圖 一軸

本幅絹本。縱四尺八寸五分。橫四尺二寸。設色畫青楓紅樹。墨畫溪山登舟者二人。一人荷擔。乘舟子立篙。相招彼岸待渡者。唐裴石磯。顧僮僕語無名款。鈐印三仇氏實父仇英之印十州。

御題行書

瑟瑟吳江楓落時。長天秋水動漣漪。招招舟子

橫塘畔。體物風人有所思。乾隆御題。鈐寶一

乾隆宸翰

鑒藏寶璽

全八璽

收傳印記天籟閣退密項氏子京三韓蔡珍
圖書墨林外史平生真賞奇觀項子京家珍
藏

文徵明畫竹一冊

本幅素牋本。十一幅。縱一尺六分。橫二尺一寸。水墨畫竹譜十幅。末幅自題。夏日燕坐。停雲適祿之過訪。談及畫竹。因歷數古名流。如與可東坡定之輩。指不能盡屈。予俱醉心。而未能逮萬一。間窗無事。每喜摹仿祿之。遂檢案頭素冊。命予塗抹。予因想像古人筆意。漫作數種。昔雲林云。畫竹聊寫胸中逸氣。不必

辨其似與非。余此冊即他人視為麻與蘆。亦
所不較。第不知祿之視為何如耳。時嘉靖戊
戌五月望後二日。徵明識。每幅分鈐印。文徵
明印。衡山徵仲悟言室印。停雲徵仲父印。徵
明。

後副葉高士奇題跋。

靜看紙上三竿竹。日讀床頭一卷書。半月
然間出戶猶嫌俗。事未能除。年光破臘不知
寒。日影添長。轉盡闌。瓶裏黃梅初放。夢瓦
何用燕沉檀。四野農夫望雪頻。疎疎凍雨未

終辰街前歲晚無沉滑却使山城擔負人。今年冬暖偶書三詩于衡山竹冊後時康熙戊寅嘉平九日晚陰近午復晴得此冊瓶中黃梅香盛江村高士奇鈴印四簡靜齋一鄉耆侍老萊衣不以三公易此日士奇戊寅年初歸奉養歲月脩閑兩子日侍研席今與兒雖得成進士讀中秋書請假歸省乃軒兒于去冬夭折每閱舊題輒駒次惘惘近以老母乳恙余亦小疾月餘初冬及今暄晴甚久竟成虛度明日長至節矣就日南窗觀文衡山竹與倪鴻寶石足為寒齋消遣試筆再書去戊寅脩三年可慨清吟堂侍萊衣人鈴印三

賜號竹窗高士奇印游戲

鑒藏寶璽

全八璽

收傳印記竹窗

文徵明畫花卉一冊

本幅素牋本。八幅縱一尺一分橫一尺六寸七分。第一水墨畫梅花山茶。第二水墨畫杏花雙燕。第三水墨畫玉蘭竹石。第四設色畫萱花竹石。第五水墨畫荷花。第六淺設色畫梔子茉莉。第七淺設色畫紅蕉湖石。第八水墨畫水仙竹石。自記嘉靖癸巳長夏避暑洞庭。崦西先生邀余過其山居揮麈清談頗為

酣適。覺筆墨之興。勃勃不能自己。淹西出素
冊。索余拙筆。凡窗間名花異卉。悅目娛心。一
一點染。圖成。淹西謬加贊賞。大抵古人寫生
在有意無意之間。故有一種生色。余於此冊
不知於古法何如。援筆時亦覺意趣自來。非
效邯鄲故步者耳。徵明識。每幅分鈐印。文徵
明印。衡山。悟言室印。文仲子。徵仲。徵仲。文印。
停雲。

鑒藏寶璽

全八冊

收傳印記蓮涇東吳王蓮涇藏書畫記

文徵明書四體千字文 一卷

本幅素牋本四幅縱八寸橫一尺六寸五分
四體書千文第一楷書款嘉靖乙未夏四月
二十有九日徵明書第二草書款嘉靖乙未
夏六月廿又八日雨中書徵明第三隸書款
嘉靖丙申夏五月七日書於得真齋徵明第
四篆書款嘉靖丙申秋七月望前三日徵明
書分鈐印徵仲父徵明玉蘭堂悟言室印傳

雲徵仲

後幅前人題跋

聞昔智永僧作千字文數千本流布江東迄
今傳真行二體刻本注往從舊者見之皆出
一刻豈當時所書構形無二耶抑此刻其一
耶何書之多而傳之寡耶殆千本之說誣也
余從衡山太史公游垂三十年見其書千文
不下數百本家珠體異不特篆隸行草四種
而好事者刻以行世亦凡六七家嘗為余言
少日學書日以千文二刻本自課尤究心隸
書畢竟功深意到咸臻其極當時永師恐未
之逮公所書體各成卷罕有一卷備四體者
舊從南橋范子潤氏僅見二卷乃公於正德
初作青字觀此卷差小此卷作自晚年筆意

信手筆力老蒼傳之異代當益掄印永師矣
辛酉秋日周天球鈴連珠印周天球

衡翁書千文傳吳下者甚多然篆本則絕少
至于四體備于一卷則余之所僅見者也考
其年皆六十以上老目細書尤甚艱得寶之
寶之壬戌二月哉生明陳璽識鈴印二金芝

山人陳子兼氏

先太史喜書千字文散落人間者何啻千百
本第皆行草真書已不可多得至于隸篆生
平僅可一二此卷為陸符卿五湖先生書四
體兼備信希世之珍也寶之萬歷丁丑冬仲
仲孫元發謹題鈴印三雁門元發子排

太史以書法名家予所見無慮百餘未育若
斯卷四體俱備而八分尤精秘書家藏書畫
種種精妙入神如于將之入武庫雖不見顯
庶幾乎得主矣庚子秋日江應宿題鈴印三

知希齋應宿之印江少微氏
康熙己酉季春日雪歌道人
定鈴印二邪廌佳印止祥
邪多佳獲觀鑒

鑒藏寶璽

全八璽

收傳印記曾雲

文徵明自書紀行詩一卷

本幅絹本。縱六寸五分。橫一丈。行書。水邊簫
管玉參差。柳外樓臺翠陸離。落日蕪城非故
國。春風后土有荒祠。錦帆烟月千年夢。禪榻
情懷兩鬢絲。二十四橋虛夜月。片帆淮海不
勝思。揚州片帆西去逐通津。二月和風散麴塵。
吳國山川從楚斷。隋隄楊柳入淮春。江湖懼
客波濤壯。燈火懷鄉夢寐新。零落吳鉤雙鬢

改相逢羞說壯遊人

次韻九達宿維揚

風煙渺渺更

西來鄉思紛紛不可排春色三分隣上已河

流千里入秦淮朝廷有道慚推轂老大無成

謾計偕隄柳千絲青不斷春風宛轉破愁懷

三月二日淮揚道中

淮海西來百里強勞君畫舫遠相

將蟬嬋夜語頻更燭惆悵春風各盡觴楊柳

尚憐青眼在河流不似別情長楊家溝畔三

分路魂夢從今不得忘

楊家溝別朱振之

清江聞畔

水縱橫。回首南來十二城。書寄故鄉何日到。

寒兼羈思一時生。月明村店人烟少。風遞嚴

城鼓角明。物色攪愁詩更苦。怪來春夢不能

成。

夜泊清江浦

落日煙生古渡頭。春寒猶戀木綿

裘。風吹野戍更初動。月映清淮夜自流。總為

旅情消壯志。忽聞漁唱重鄉愁。封題欲寄家

人信。何處南帆有便舟。

宿遷

三月鶯啼楊柳灣。

維揚春色已闌刪。千金楚客空留諾。百里淮

流獨見山。舊雨良期。吾自後清風逸。駕許誰

攀。相思永夜無能寐。明月吹簫度野闌。

顧華玉參

政相期會淮南比至而君已先發

新烟一抹起茅茨。翠柳千

門映酒旗。此日斷魂當客路。誰家濺淚有花

枝。等閒行役輕墳墓。忽漫逢春感歲時。日暮

滿帆風獵獵。蕭然雙鬢不禁吹。

徐州清明停舟清

泗興無涯。夜起蓬窗看月華。灞氣一函開玉

府。鏡光千道走金蛇。碧空顛倒山流翠。白石



巉巖浪感花酒醒分明天上坐更從何處覓

星槎

河上
看月

古隄楊柳綠絲柔盡日南風送客

舟百里青徐平入望千年汴泗正交流草荒

霸業春過浦月滿藪祠夜泊留老去馬還心

尚在不妨書劍事遨遊

留城道中
有張良祠煖蒸芳杜

意沉酣漠漠晴洲燕子喃十日扁舟行汶上

一陂新水見江南春光著柳爭搖蕩晚色浮

空正鬱藍欲濯素衣塵復起白頭行役我何

堪

湖南旺

投新沉鐵事悠悠巨掃千尋壓上流

河濟從來天下患江淮今入地中流當時物

論輕文事千載行人仰壯猷人事幾回桑海

變依然高碣鎮東州

張秋

漫說鷺兒色似油何

如楊柳綠幽幽初收宿雨濃于染遠映新波

翠欲流十里蟬聲隄上路一痕斜照驛邊樓

莫言濯濯無人愛別有春光去御溝

濟河柳色右

諸詩癸未歲北上時途中所作抵今丁酉十

有五年矣。徵明漫書。鈐印三。徵明。文徵明印。

悟言室印。

鑒藏寶璽

八璽

取傳印記陳嗣科印子登父印

謹案此文徵明自書癸未年入都時途中諸詩。政明史言徵明以正德末歲貢生詣吏部。巡撫李充嗣薦之。授翰林待詔。以今詩校之。則癸未實嘉靖二年。非正德末也。是年春二月。俞諫平青州賊。文詩自濟河後無詩。想為兵成後耳。蔡羽字九遠。由國子生授南京翰林院孔目。是時乃與徵明偕行者。丁酉寫詩時。為嘉靖十六年。

文徵明畫雪景 一卷

本幅素綾本。縱三尺四寸五分。橫一尺。淺設色。畫山寺寒林。深溪積雪。一人曳杖歸水閣。款嘉靖乙巳冬徵明製。鈐印二。徵明。傳雲。

御題行書。

萬木已枯枝。蒼松故若斯。後凋紅寺護。一例玉花披。峰態不藏峻。溪聲似帶澌。策筇歸閣者。腹藁恰成時。己酉仲冬御題。鈐寶一。古稀天子。

鑒藏寶璽

全八
璽

文徵明畫蘭竹 一軸

本幅金粟牋本

有紙記

縱一尺九寸五分橫一

尺水墨畫石上蘭蕙作花蔭竹兩莖自題清
真寒谷秀幽獨野人心結意青霞珮傳情綠
綺琴徵明鈐印五傳雲徵明印悟言室徵明
玉磬山房有復初題

御題行書

一首尼山操三篇衛國詩真教授氣味誰復覺

參差介入歲，影香含瀟灑。枝衡翁非漫，作應

為寄相知。壬午春月御題鈴寶二比德朗潤

誰是同心友，幽蘭在空谷。疎篁更娟娟，間情寄雙玉。曾聞嶺望欲，解相江佩脩。然太史筆，齊居坐相對。中辰五月十二日復初題贈鈴印三華江湖小隱明伯

鑒藏寶璽八璽全

收傳印記子孫世昌子京父印文寄傲項元

汴印墨林山人樵李子京父印文朱項墨林鑑

賞章墨林秘玩

錢穀雜畫

一冊

本幅素綾本十二幅縱八寸八分橫一尺一寸二分第一設色畫微米家山第二設色畫蕉石第三水墨畫雨景第四水墨畫牛牧第五水墨畫林屋扁舟第六設色畫蝴蝶百合花第七淺設色畫秋山亭子第八水墨畫葡萄松鼠第九水墨畫竹石第十水墨畫古木烏鴉第十一設色畫雪橋策蹇第十二設色

畫蓼花殘荷。鈴印三錢穀印全。吳里人穀

御筆分題行書

春山欲綠春波長。幾幅輕帆試未行。不識勞勞
客舟者。抑緣為利抑緣名。綠天石徑稱幽賞

却訝其間鮮客尋。作者應知其別意。恐防代紙
失清陰。水漲平湖偏隔橋。冷風颭颭雨蕭蕭。
可憐支繖衝行客。咫尺家門望若遙。不名師
學。出手眼騰踔。吳徐老沈間。已慣石田見粉本。

真成伯仲辨來艱

湖舟何以異溪堂却愛出

齊泛野航識得伊人工別擬於流動處恣徜徉

翩飛栩栩領花香那論色形紫與黃不失本

來瀟灑意幾曾工綴效滕王一樹丹楓石磴

仄連林奚必笑茲微攜筇緩步契神處別裁原

同杜紫薇珊瑚秋熟磊垂枝五技奚妨偶一

施誰曰能緣不窮本試看果腹自嬉時幾梢

烟籜一卷石古趣幽懷不盡尋伯仲九峰石田


者何妨偶效老雲林 繞樹聊棲三匝時 紇那
誰與動遐思 訝他叔寶開生面 禹錫竹枝換樹
枝 風月千秋三界公 豈伊獨在灞橋中 便教
詩思其間得 恐亦平平歇後同 風動鯉魚紅
蓼花秋光滿 日夕陽斜莫嫌懶 裏闕名氏精鑒
晴嵐自不差 乾隆戊申秋御題每幅分鈐寶
乾隆宸翰墨雲幾暇臨池寫生會心不遠筆端
造化德充符寫心愛竹學心虛幾暇怡情得佳

趣體仁古稀天子猶日孜孜

鑒藏寶璽

全璽

收傳印記晴嵐珍藏鍊雪鑒定經真閣圖書
記



錢穀惠山煮泉圖一軸

本幅素牋本縱二尺六分橫一尺四分淺設
色畫喬林梵井遊者冠巾僧道五人童子三
烹茶欸惠山煮泉圖庚午冬十二月九日寫
于望亭道中錢穀鈐印三錢叔寶氏懸磬室
吳越王裔

御題行書

臘月景和暢同人試煮泉有僧亦有道汲方遜

汲圓此地誠遠俗無塵便是仙當前一印證似
與共周旋 甲辰暮春御題鈴寶二古稀天子
猶日孜孜

鑒藏寶璽

全八璽

古希天子八徵耄念之寶

收傳印記孫琰世外元賞

文伯仁畫山水一卷

本幅絹本縱八寸橫七尺水墨畫平岡竹屋
宗壘曲澗山寺溪航自題元之畫史咸托志
筆墨寄傲林泉興深臺素精研六法用筆則
疎密相參清潤古勁用墨則濃澹相間活潑
淋漓即半點一痕具有生意若宗岡疊嶂萬
木千巖不以茂密而失瀟疎之致是卷偶倣
黃鶴山樵筆意亦不免有畫肉之誚耳長洲

文伯仁鈐印一五峯

鑒藏寶璽

全八璽

收傳印記世祿

居節畫楊繼盛小像一卷

本幅宋牋本縱九寸六分橫一尺六寸六分

淺設色畫楊繼盛唐巾便服像款椒山先生

小像

八分書

嘉靖辛亥孟春寫居節鈴印一士

貞繼盛自書齒豁不可補髮脫無由裁清晨
明鏡中老色蒼然來餘年亦自惜未忍付酒
杯抽架取我書危坐闔復開萬世見唐堯夔
龍獲親陪寥寥三十年氣象挽可回豈以七

尺軀碩受世俗哀道在無不可廊廟均蒿萊
嘉靖士子春椒山漫題鈐印一楊繼盛印

御題行書

有生孰不惜華年生死還應義以權遐想皋夔
千載上豈辭龍比一身捐鬚眉正色真無忝史
策芳名歷久傳西市從容吟四句丹心浩氣至
今懸 乾隆御題鈐寶三乾隆三希堂

御識行書

按陸游劍南集晨起作與卷中題句無一字異
同當由椒山愛其詩語恰為已寫照漫題猶漫
錄耳若謂後人傳會何難厯作數語以泯其跡
耶三希堂再識鈐寶一內府珍祕

鑒藏寶璽

八璽全

謹按居節字士貞號商谷吳人善畫師文徵
明

周用畫溪山烟靄一卷

本幅素牋本縱七寸五分橫一丈二尺五寸
二分設色畫層巒疊嶂林屋溪亭晴烟夕霧
款正德九年龍集甲戌春三月吉旦白川周
用作鈐印三白川周郎往來山陰道上

鑒藏寶璽

全璽

收傳印記育真向山書畫之印勦伯賞鑒圖
書源泓書屋



謹按周用字行之號白川吳江人嘉靖中吏部尚書師沈周得其指授

王問畫山水一軸

本幅絹本。縱五尺二寸五分。橫二尺五寸一分。水墨畫。聳岫深林。麋離茅屋。一人坐眺。一人行來。自題家近丹池山。門臨白溪水。返照入秋林。隔樹樵歌起。仲山王問寫。鈐印二可吟亭。子裕與司馬印。

御題行書

幽谷喬林靜絕埃。斜頭窗下古琴陪。柴門不閉

小年永應待佳朋問字來
己亥新秋月御題

鈴寶二乾隆

鑒藏寶璽

全八璽

謝時臣畫山水 一軸

本幅宋牋本。縱三尺八寸，橫一尺二寸。淺設色，畫森木奇巖，板橋棧閣，行人後先牽騎，天半有寺樓。款：丁卯秋仲，謝時臣畫。鈐印一時臣。

御題行書

窠四名家總不同，疊峰迴出寺樓紅。那須留白為雲氣，林霽山嵐鎮鬱葱。辛巳春月，御題鈐。

寶二。得佳趣。幾暇怡情。

鑒藏寶璽

金璽

古希天子壽。八徵耄念之寶。

陸治花溪漁隱真蹟 一軸

本幅宣德紙本。縱三尺七寸四分，橫七寸九分。設色畫山水。漁者鼓棹欲前，二人高坡坐觀。款：隆慶戊辰。陸治作花溪漁隱，鈐印一包。

山子。

御題行書。

居山畏不深，宿水畏不曲。山深方隔塵，水曲斯
遠俗。鳴榔嘉蔭下，紅貼春波綠。長笑桃源客，千

載炫耳目 丙寅暮春御題鈴寶二乾隆宸翰
幾暇臨池

題籤

御筆 陸治花溪漁隱真蹟神品鈴寶二御賞乾隆

宸翰

鑒藏寶璽

八璽全


取傳印記丹誠真賞宜爾子孫琴書堂真玩
會侯珍藏幼貞漱六主人藏

徐渭畫梅花蕉葉一軸

本幅宣德牋本。縱四尺一寸七分。橫九尺七分。水墨畫梅蕉卷石。自題芭蕉伴梅花。此是王維畫天池鈴印一。幼文三昧。

鑒藏寶璽

八璽全



項元汴仿蘇軾壽星竹一軸

本幅金粟牋本

有紙記

縱一尺七寸五分橫九

寸水墨畫磐石雙竹自識萬厯庚辰九月廿
又五日黃君心潛袖宋經楮索予繪事為家
嚴壽即心摹手追蘇長公畫壽星竹所貽通
晤禪師者寫以祝之緣後山父尚志禪宗遂
併具之墨林居士鈐印五天籟閣項元汴印
子京父印墨林山人項叔子有皋謨鑒定識

鈐印一項伯子

御題行書

疎篠依文石。天然稱主賓。壽星傳古貌。玉局是前身。豈向秋而瘦。端為靜者倫。即看張屋壁。不
个掃烟新。乾隆丁卯御題鈐寶二。得佳趣幾
暇怡情。

鑒藏寶璽

全璽

收傳印記文伯黃元吉印子孫世昌令之清

五

蔣乾倣王蒙山水

一軸

〔本幅〕素牋本。縱三尺。橫一尺五分。水墨畫高
峯林木。邨落溪流。自題山中靈石碧嵯峨。高
士茅堂住澗阿。幾樹松陰當戶密。四時嵐氣
入簾多。依依猿鶴常相近。寂寂親隣靜不過。
遙望西岩泉落處。臨風時咏考槃歌。嘉靖癸
亥冬日。虹橋蔣乾倣黃鶴山樵筆意。鈴印一。
子健。

御題行書。

小築幽齋倚岌峩長松落落鎖巖阿任他流水
侵階過愛此青山罨戶多自在常聞野鳥喚等
閒不許俗人過。皴摹荷葉非無意欲繼離騷賦
楚歌。乙巳暮春用圖中蔣乾自題韻御筆。鈐
寶二古希天子猶日孜孜

鑒藏寶璽

八璽
金

收傳印記吳郡張丑

謹按蔣乾字子健金陵人蒿子山水過其父
隱居蘇之虹橋出畫史會要

周龍千里江程圖 一卷

本幅素牋本。縱一尺。橫二丈五尺八寸七分。
水墨畫江景。帶以城塔闕亭。村肆寺觀。野行
扶欄。行人騎步。負擔。坐談策杖。攜琴讀碑。懸
罾垂釣。舟或艤或渡。或帆或緯。款天啟辛酉
夏日。馮吳□周龍鈴印三。公霖周龍之印。白
石。

陳子睿桐陰書屋圖 一卷

〔本幅〕宣德牋本。縱八寸九分，橫三尺三寸四分。淺設色畫梧桐院落，茅屋席籬，有人羽扇倚几坐。几置瓶花香鼎，書帙桐陰外，虛亭溪釣，一人曳杖童子携琴來款。癸酉小春，用文太史筆意，為友桐先生補圖。蒲室子睿鈴印。

一、目存

沈樹玉畫羅浮巨蝶一卷

本幅素牋本。縱七寸三分。橫一尺六寸。設色畫蝶。自識。粵東山中有巨蝶。重二斤者。生子長二寸許。五彩可觀。有人持其子數十里外。蝶尋至負之而去。粵人能言其狀。余嘗圖之。今白老持此尺幅。欲索巨蝶。止可得其一斑耳。奈何。蓬道人樹玉鈴印。二蓬甫沈樹玉印。

收傳印記神游心賞。啟田氏稼軒鑒賞法書
名畫。印墨林子。稼軒

陳煥畫萬松蕭寺一卷

〔本幅絹本。縱九寸二分。橫五尺九寸。淺設色。畫松林山寺水閣瀑布諸景。款癸卯秋日寫。〕
陳煥鈐印一。圭峯山人。

鑒藏寶圖全

謹按陳煥字子文號堯峯吳縣人私淑侯懋
功聲聞藉甚出畫引

[illegible]

董其昌臨褚遂良書庾信枯樹賦一卷

本幅素綾本。縱八寸三分，橫三尺六寸七分。

行書臨褚遂良書庾信枯樹賦。

見所藏

養心殿

御

臨褚遂良貞觀四年十月八日為燕國公書枯樹賦卷。

崇禎六年。歲在癸酉。臨褚河南枯樹賦于苑西邸舍。季夏八日。七十九翁元宰。

後幅張照跋。

褚河南枯樹賦。有宋拓本。今在靜海。勵滋大。侍郎家。明代好事家袁刻法帖。所刻枯樹賦。

大率本此。真有若似孔子也。然有不可解處。
閣帖山河阻絕數行。即是此賦。因脫落不全。
故就其所有集成文字。若全賦見在。不宜有
此。豈淳化時無之。而今轉有耶。或云閣帖所
集皆真蹟。無翻刻石本。此賦真跡只存此數
十字耳。理或有之。然無籍可徵也。照鈴印一
張照。

鑒藏寶璽

全八璽

收傳印記朱之赤璽賞世澤堂藏

董其昌臨李邕大照禪師塔銘 一卷

本幅素箋本。二幅。縱八寸五分。第一橫四尺四寸五分。大照禪師塔銘。三界渺茫。四生沈痼。塵境延歌。蔭欲攻內。明鏡虛受。大慈圓對。法鼓震驚。魔軍消潰。其千佛轉覺。七葉相承。護持俗諦。應現真僧。長河皎月。靜室明鐙。梵經滋廣。禪林蔚興。其童稚初心。儒釋兼致。梁陳咨稟。伊洛勤匱。雖臻閭域。猶執文字。古城

元遠空門深邃。其逝將分赴。曾是幽求。玉泉
谷口。甘露山頭。慧日一照。浮雲四收。其其昌
臨李北海真蹟。鈴印一董其昌。第二橫三尺
三寸三分。大通往生。後覺來問。妙法終啟。苦
言未順。願發他心。稍宏本分。固讓固請。不矜
不訓。其五德。音光被皇華。游臻曲荷天獎。昭宣
法輪。摠摠緇素。憧憧播紳。以智慧水。洗煩惱
塵。其六慈攝雲奔。檀施山積。無相無願。不受不

斥龍象興補塔廟光益香花戶庭護念泉石
其昌臨李北海真跡鈐印二太史氏董其昌各有高士奇識

江村簡靜齋藏鈐印三士奇高澹人天淨一簾秋

後幅高士奇跋

命觀大內所藏李北海書大照禪師碑墨跡硬黃紙
今歲秋七月
李高九寸三分長三丈八尺烏絲界畫字如
小核桃大凡三百三十四行每行八字前空
一行紙三十四接每張十行字法道勁結構
精嚴筆墨完好後有元陳惟寅董文敏跋文

敏自言生平所見唐人硬黃書。只三本。稱爲至寶。此卷想即見真跡時所臨者。筆法精整。清栗。深得北海之法。乃知文敏勝處不可窺測。余癸酉歲獲此卷于拓西。私意何時得一大內。曾請勒石。寒齋獨坐。偶爾展閱。欲執筆學之。

茫無涯涘。噫。日月其邁。所不能精進者。不僅書也。康熙乙亥長至後六日。爲十一月廿又二日。天無寒冽。晴窓擁爐。不異在平湖時。但乏堦前翠草。檻外疎枝。逗漏一綫陽回景象耳。江村高士奇記於苑西晏如齋。鈐印三。士奇高澹人。竹窗。

丁丑正月八日杜門重觀。回念去歲經平在塞上。不得休暇。今始雙間。如漁父重覓桃源。

也。士奇鈐印一苑西。丁丑題此。後旋于二月六日再扈塞行。自雲

朔渡河。經榆林。歷銀夏。繞河套外流。入張家口。五月十六日抵京。七月朔。具疏請養。五日

奉

諭旨。兼荷擢掌詹。初十日仍赴任。八月晦日由路河

舟行。十月廿一日到平湖。戊寅七夕。檢點所
攜書畫重題。時河漢微涼。建蘭開。繞几案。煮
惠泉。試武彝。慢亭茶。錢塘高士奇竹窓鈴印
二。高士奇印。詹人。

鑒藏寶璽

全八璽

取傳印記。靜寄軒圖書印。晏如齋樂此齋之
圖書。筆硯精良。人生一樂。簡靜齋。江村秘藏
竹窓高詹事。高士奇圖書記贊口典學。



董其昌雜書一卷

本幅高麗表文紙有朝鮮國王之印縱一尺一寸三

分。橫一丈五尺三寸。行書。題武夷山圖贈

林納言。次史少傳原韻。兩丸熠煜跳天門。風

尻氣馬無停轆。欲界仙都。歐海裏。幔亭自昔

曾孫里。神霄高外更無高。神漢水窮重得水。

凌倒景。今乘元雲。擣取清微大赤文。叩洞天

兮搜福地。婆娑鳥跡魚蟲字。九曲棹歌丹九

轉千年塵土腸為遣。盧敖竹杖亘千尋。黃石
陰符遺一卷。迴思九陌走黃埃。浮名于我何
有哉。漁父桃源豈再來。天公粉本深徘徊。不
貪大藥化黃金。只愛清音叶素吟。故人持贈
好東綃。仙山屬我開生面。布鞵青鞋不用將。
雲鬟霧鬢常相見。有美林夫子。偏憐顧虎癡。
披圖選其勝。卜築且因之。西嶺烟升焚寶鴨。
東峯日上蒼龍夾。依依蝴蝶夢中歸。所欠鵝

驚插翅飛。直是舜耕田已熟。直緣商戰兒初
肥。解道仙凡途豈隔。朝凡暮聖。忽復易武夷。
洞口憇靈蹤。紫陽祠畔荒行跡。省雨湏從好
雨星。積風但養摩天翮。宦路無窮。素作緇學
人。漫看朱成碧。我袖長懷一瓣香。更期下拜
巖巖石。其昌書。芾近收顧虎頭金粟坐石
存神像。李伯時見欲傾囊易也。蔣永仲作松
贈曇秀。吾題云撐雲既奇低。怒節更堅瘦。怒

為露也。芾頓首。介至蒙教。審起居康勝。魯公
乞米李公。必氣類。况曹子方不祈而送乎。侯
面謝。芾頓首。司勳老兄閣下。芾頓首再拜左
丞鈞席。恭審進位慶同在已。探候上賀。次晴
快。恭惟機政之暇。鈞體動止萬福。謹具狀陳
情不備。勅賜百官午門麥餅宴。恭紀社筵
重舉五朝儀。衍衍千官式燕遲。列鼎幾承明
主賜。迴波不數近臣詞。麥秋好及櫻桃信。肉

食能忘芹藻私。為問大酺頒漢詔。何如含哺
頌堯時。天門誅蕩御筵寬。宣示來牟得歲歡。
帷借宮雲成夏屋。坐依文石序周官。疇風暗
入瑤琴奏。鼎室將同玉粒看。從說九重勞盥
食也欣。臣子徧加餐。聖堦左相國得高麗
鏡光紙請書新詩。適有持宋搨米元章帖見
示者。為臨數十行。前後皆予詩也。壬申八月
廿九日奉詔祀歷代帝王廟歸邸識其昌鈐

印三其昌宗伯學士董元宰氏

鑒藏寶璽

全八璽

收傳印記文起閣印雙白一字聖斐如魚飲
水容若□紅州堂書畫記

董其昌書東方朔答客難并自書詩一卷

本幅宣德箋本。縱八寸。橫六尺七寸。行書。

答客難 東方朔 客難東方朔曰蘇秦張

儀壹當萬乘之主而身都卿相之位澤及後

世。今子大夫修先王~~之~~術慕聖人之義諷誦

詩書百家之言不可勝紀著於竹帛唇腐齒

落服膺而不可釋好學樂道之效明白甚矣

自以為智能海內無雙則可謂博聞辯智矣

然悉力盡忠。以事聖帝。曠日持久。積數十年。
官不過侍郎。位不過執戟。意者尚有遺行邪。
同胞之徒。無所容居。其故何也。東方先生喟
然長歎。仰而應之曰。是故非子之所能備。彼
一時也。此一時也。豈可同哉。夫蘇秦張儀之
時。周室大壞。諸侯不朝。力政爭權。相擒以兵。
并為十二國。未有雌雄。得士者強。失士者亡。
故說得行焉。身處尊位。珍寶充內外。有倉廩。

澤及後世。子孫長享。今則不然。聖帝德流天
下。震懼諸侯。賓服。威振四夷。連四海之外。以
為帶。安于覆盂。天下均平。合為一家。動發舉
事。猶運之掌。賢與不肖。何以異哉。遵天之道
順地之理。物莫不得其所。故綏之則安。動之
則苦。尊之則為將。卑之則為虜。抗之則在青
雲之上。抑之則在深淵之下。用之則為虎。不
用則為鼠。雖欲盡節效情。安知前後。夫天地

之大士民之衆竭精馳說並進輻湊者不可
勝數。悉力慕之。困于衣食。或失門戶。使蘇秦
張儀與僕並生於今之世。曾不得掌故。安敢
望侍郎乎。傳曰。天下無菑。雖有聖人。無所施
才。上下和同。雖有賢者。無所立功。故曰。時異
事異。雖然。安可以不務修身乎哉。詩曰。鼓鐘
於宮。聲聞于外。鶴鳴九皋。聲聞于天。苟能修
身。何患不榮。太公體行仁義。七十有二。乃設

用於文武得信厥說封於齊七百歲而不絕
此士所以日夜孳孳修學敏行而不敢怠也
譬若鵲鵲飛且鳴矣傳曰天不為人之惡寒
而輟其冬地不為人之惡險而輟其廣君子
不為小人之匈匈而易其行天有常度地有
常形君子有常行君子道其常小人計其功
詩云禮義之不愆何恤人之言水至清則無
魚人至察則無徒見而前旒所以蔽明黷續

充耳所以塞聰明有所不見聰有所不聞舉
大德赦小過無求備於一人之義也枉而直
之使自得之優而柔之使自求之揆而度之
使自索之蓋聖人之教化如此欲其自得之
自得之則歛且廣矣今世之處士時雖不用
廓然無徒塊然獨居上觀許由下察接輿計
同范蠡忠合子胥天下和平與義相扶寡偶
少徒固其宜也子何疑於予哉若夫燕之用

樂毅秦之任李斯酈食其之下齊說行如流
曲從如環所欲必得功若邱山海內定國家
安是遇其時者也子又何怪之邪語曰以管
窺天以蠡測海以筵撞鐘豈能通其條貫考
其文理察其音聲哉由是觀之譬鼃鼃之襲
狗孤豚之咋虎至則靡耳何功之有今以下
愚而非處士雖欲勿困固不得已此適足以
明其不知權變而終惑於大道也其昌書


朱雲來太常園中。八月梅花大開詩以表異
大遠江南信。先標水部詩名花真創見。帝
力本無時。香挾湘蘭發。清含塞角吹。仙家慙
幻出。官閣動吟思。何事蟬號露。偏欣雀啁枝。
金飈從勁厲。玉樹獨華滋。驟訝園丁報。將謀
驛使馳。生萸差足擬。雕葉未為奇。姑射神如
下。孤山鶴也疑。白華仍暫補。黃落失騷悲。積
素臨楓岸。飛英墮槿離。催粧殊蚤計。赴隴異

恒期冷艷心堪許，幽芳衆豈知。
冰壺舒夜藥，黍谷變春姿。
天瑞徵調鼎，濡翰共譜之。
戊辰八月晦其昌

鑑藏寶璽

全八璽

取傳印記貴賞樂琴書以消憂心遠堂印其
恕仲如其恕之印李敏治印口公葯房



董其昌江山秋霽圖 一卷

本幅高麗表牋本

有朝鮮國王之印

縱一尺一寸八

分橫四尺二寸。水墨畫迴巖修樹野約平江
款黃子久江山秋霽似此。當恨古人不見我
也思翁

御題行書

慘淡秋光濯眼新。大痴昨夜入精神。思翁亦豈
自譽輩。叫絕奚妨憶古人。乾隆戊寅御題鈐

寶二乾隆

日晶雲斂曉秋新。江若有聲山有神。一例鏡牋
愛點筆。同然先得是伊人。香光此卷簡古渾
厚。與平日專以秀潤取致者。更進一格。觀跋語
可知其自命矣。題後復一展玩。愛鏡牋光潤。輒
疊前韻再題。紙墨相發。良是一適。畫禪室御筆。
鈴寶三。含輝幾暇。怡情得佳趣。

後幅高士奇跋宋犖邵長蘅詩

董文敏每遇高麗鏡面戲書畫尤為入神此
卷改表紙用之字跡隱然無有朝鮮之印至
於筆法圖畫真接倪黃宣文沈所可同日而
語也康熙庚午中秋後一日天氣澄爽重裝
初畢跋於瓶廬抱甕翁高士奇鈐印三竹窓
士奇高澹人康熙甲戌九月廿三日東萊北
上舟過吳閭漫堂先生載酒相餞得話數年
別緒因以平日所藏書畫請為鑑定漫堂先
生未有文敏畫卷遂留此志別茲卷得有所
歸可成他日佳話時立冬已四日天宇清肅
霜樹紅黃與卷中筆墨互相映帶并乞漫堂
先生一詩紀之附以不朽江村高士奇鈐印
二士奇圖書翰後人
昭代鑒賞誰第一棠村已歿推江邨五年當
湖暫休沐摩挲卷軸窮朝夕昨歲寄我銷夏
錄雲烟過眼實弟昆今年奉

台赴北

關書畫船泊胥江濱相見不服作絮語珊瑚
之網出與玕金題玉璫得未有傾囊倒篋縱
橫陳卷舒寧辭賦我手聳肩靜對不欠伸三
日眠食為之廢有時大叫忘主賓春山圖
袁生帖無上妙迹欣相親楓橋祖席興不極
華亭畫卷許更們烟江烟江堂秋霽雨奇絕
氣韻生動真天人秋霽長不滿三尺高麗表
紙光如銀一重一掩師造化一樹一石絕點
塵從來詩理即畫理芙蓉朝日相鮮新跋云
古人不可見大癡心折定九原朱印燦燦色
奪目點綴更足重璫璫與先生好我舉相贈題
識數語情彌敦欲辭不得拜命辱乞裏脫我
不與中要我長歌記勝事報辭良媿薄且貧
歸來重展燭屢跋缺月光射莓牆根苦吟攢
眉作山字句雖不警事則真錄入卷尾更寄
似此詩此畫爭千春西陂放鴨翁宋榮鈴印

三西陂聲牧仲

元明兩代兩文敏。後有宗伯前王孫。王孫獨

攬茗雪秀書精畫妙驚軼塵。宗伯去之三。百

載風流文彩豈後身。波折已壑文祝倒。斂染

况揖倪黃親。此卷自題微子久。江山霽景澄

鮮新高麗鏡。面紙三尺漠漠平。遠開無垠沙

草微茫認細逕。清沱淺渚荒江濱。斷岬無人

帶略約隔峯髻。髻藏烟村雲嵐秀。潤岩樹活

筆墨掃盡無纖痕。我不能畫識畫理。明窓礪

磚融心神。誰與珣者高詹事。大內鑒賞精絕

倫。漫堂先生乍得之。珍比珣玕璫。琬琰示客

怕污寒具油。裏將那惜白氍毹。中邇來吟筆健

扛鼎便欲與畫爭。千春。昆陵邵長蘅奉和鈴印

然。此詩此畫爭千春。昆陵邵長蘅奉和鈴印

二邵長蘅印子湘

鑑藏寶璽

八璽

古希天子壽

收傳印記竹窓蕭元齋高士奇圖書記江村

秘藏麝香齋商邱宋犖審定真蹟

董其昌畫鍾賈山陰望平原邨景 一卷

本幅緝金牋本縱九寸橫四尺七寸八分水
墨畫山林邨落遠岸長橋款鍾賈山陰望平
原邨有湖天空濶之勢亟拈筆為此圖出入
惠崇巨然兩楚法門以俟同叅者詳之元宰
鈐印三太史氏董其昌畫禪

臨歲寶璽 金璽

校傳印記林屋洞天進德修業

[illegible]

李邦華尺牘 一冊

本幅素箋本九幅行書尺牘五通第一縱九寸一分四紙通橫一尺七寸八分一別三載聞問闊如間從貴座師吳茲勉通函則知足下之念不肖猶不肖之念足下也世道若此君子皆為冥鴻獨弟作瓜蔓然此輩辣手豈有碩果之望既不能昂首舒眉便合拂衣長往乃秋前候代不得秋後科場大計責無所

卸遂荏苒于今也不幾仰人鼻息以苟富貴
者清夜捫心重負赧于山中諸友矣小疏乞
身必至再至三如終不得亦一決了當耳足
下高才勁力此番雄飛無疑補天浴日擔頭
不輕千萬珍重第歸去無事期與若谷共作
老博士行徑嚙子曰耳國家承平日久禍釁
將作全軀保妻子之徒驅除異已則勇擔當
患難甚怯此已昭然可見者且看橫行幾時

言而不信。弟當自挾其目也。知己之前不覺
曉曉。覽竟幸火之卷。資引意不盡。令師屬當
留部考選矣。頗有側目者。足下知否。能為一
護持否。弟力不敢受。而言不投時。此中須活
一分處。今之世應著三分痴呆。乃得耳。何如。
弟名正具冲。鈐印一。啓事。
尺牘首標題李文忠公邦華六字
第二縱八寸七分五。紙通橫一尺七寸。丙辰
拂袖入山邱。壑長竄屢歲于茲。自惟以疏狂

之性處濁亂之世放廢應爾而海內正人得
與未期長夜不旦世道柰何己未南宮捷息
至業為之喜及聞讀秘書不覺舉手加額曾
有數言託錢受之兄聊效彈冠都門晤暇想
必及之魏廓園人便以手教來弟時卧病郡
城未獲面承然展讀台札宛如一室賜扇佳
律志見乎詞感慰感慰朝政維新家師首應
弓旌而邁軸全空班行濟濟方謂聖明間出

國運將昌胡不閱月遽罹非常往者福藩藉
口養贍計滋觀望張差假裝風魔謀逞弑逆
朝臣執魁柄者偏以為無憂甚且用邪說之
黨作京察之案今竟何如弟子養贍曾效危
言而未蒙奇禍乃王心一輩卒抱沈寃公道
安在乎冢卿作用似無成心而脈理細微亦
少洞了新叅誠得人而舊者虎踞不動恐嫌
專擅且群小盈朝易聚難散攻之則交誼必

成蠱觸容之則巧伺亦成惑亂弟以為惟有
內君子而外小人之一策高其官厚其爵授
以大遺以艱勝任則國受其利不勝任則彼
自貽戚京堂可以節鉞部曹可以藩臬臺省
可以常僕塞其言則舌自卷外其身則計無
暇而又厭其富貴之欲則心自灰間擇其奸
惡之尤者一徇於國中而最急在言路同志
與主爵通商量呼應不相齟齬或此之所伸

彼之所抑驟伸于前旋抑于後中有關鍵外
無痕迹不一年半歲仕路可廓清強半矣何
如何如家師行止尚未定弟亦勸之一出福
清若成行定有可觀敬同年蕭拙修時事爛
熟弟之心友一見自知其人百凡可密相商
訂嗣後以此兄為萬里郵筒可也諸不悉惟
心照晤魏廓園為中嚮往山中人不敢通朝
貴書也十月十日弟名正具冲第三縱九寸

一分四紙。通橫一尺七寸五分。將官劉守禮以手書至。惜弟於陳匡老素未相通。不能為之地。然亦轉言於鄒先生矣。貴座師入都。百爾可商。弟山中人無所知。只有側耳好音。天下奇男子。畢竟西北為多。若使朝廷之上。有惠長科張道長五六人。此日邪氣一掃而廓清之。豈患世道不太平也。惜乎東南人品頗多夾雜。丁巳之于辛亥。雖曰報復。然辛亥察

處之王紹徽喬應甲劉國縉今居何官而猥
為稱寃丁巳一輩年例則孫拱陽熊壇石與
弟數人今置何所而猥云從前門戶不必問
為此言者天理良心漸滅盡矣曩有一函從
蕭拙脩寄弟之自為計問拙脩可知方今陽
道有必長之勢即不謹之丁慎所賀函伯出
尚當為之昭雪即李純庵居鄉不能諧俗然
以未任而得察於國家定制亦宜改正況弟

輩何罪而此段公論尚無人剖白亦可訝也
弟志不在一官。倘有起而直發其立朝不負
言路任職不愧官守者弟沒且不朽豈在升
沈間問窮通也。恃仁兄心知縷縷布衷瞿星
卿不來又奪我一賢父母兩無所就奈何姚
孟長兄不寄書此可共觀家父明年七喪偕
重一詩以為黨人之光此即弟結局法也何
如鄒先生或成行其作用亦非弟所能知至

於嚮往吾兄則數數言之倘相對不妨悉胸
懷與語也雪中草草上元日弟華再頓首冲
第四縱九寸五分二紙通橫一尺九寸六分
翁臺憂時苦心天下有識人所共知乃用心
奇苦之處即生杓鑿今優游南服正可靜觀
時變此局寧有再歲不更之理斷鰲鍊石翁
臺好為之弟向衰矣老父八十有一即健亦
衰此念已如寒灰不足供鞭策但從葫蘆中

拭目雲霄故人事業耳麻城學術甚正亦大
伶俐久之未有所豎寧有繁尚弗熟嘗抑僅
仰生活于他人耶南中臭味似不乏人其硬
脊朗識如陳益吾丈輩可數數否敝鄉郭六
脩可與言應天府學教授楊維節俊爽有志
蘇亦後來之杰然者恐未透練幸翁臺進而
教之向年曾承翁臺為亡兒作哀詞佚于出
都之刼計藏稿尚可查便幸錄示倘得微惠

橫幅親灑以為世世琬琰之珍尤為厚幸山
居交游既謝耳目蔽塞時政密微率不預聞
亦無敢輕寄一字恐成浮沈楊維節有友趙
生千里選貢生能文章可必上進者茲赴南
棘之試借之為郵蓋弟與其父比部郎趙鳳
日為道義交故稔于本生亦思望龍門而一
謁想吐握休風所不辭乎倘有見教附此生
為穩臨書不盡馳戀夏仲之十日弟華頓首

冲第五縱七寸八分二紙通橫一尺別未為
苦晤亦有期惟作如此別而以幾再晤則令
人胃中不能無耿耿耳然且奈何翁兄識高
力厚審時勢察機局萬一有可措手無俟弟
贅山間陳人不過欲見清時俾飽食安居枕
枕上卧耳大闕在考選枚卜兩事人人能言
之而就中肯綮安在惟翁兄留意行次涿鹿
知謝書為套而有抱如縷不能自己及伸紙

和墨竟擱筆不得下終歸鬱鬱而已百惟心
炤弟名正具冲

鑒藏寶璽

全璽

取傳印記子孫保之休寧朱之赤珍藏圖書
天與人文李杰若之圖書錢載

謹按李邦華字慰明吉水人明左都御史中
殉節明史有傳



王時翼畫岳陽大觀一軸

本幅宣德戕本縱四尺一寸橫一尺八寸七分
淺設色畫秋水平湖帆檣遠近數人倚樓
遠眺款岳陽大觀一卷王時翼畫鈐印二王
時翼印九溟

御題行書

兩舟近傍山四舟遠漾湖近山者衆忙遠湖者
事無當前憂樂境所值霄壤殊高樓憑欄觀更

覺逸且娛一碧萬頃間不出尺咫圖怪哉筆禪
人說偈如是夫 庚子新秋月御題鈐寶一乾
隆

鑒藏寶璽

全璽

吳易礪戶松濤圖一軸

禾幅宣德牋本縱二尺橫一尺二寸三分水
墨畫山居庭宇外長松二株間以雜樹自題
雅尚托柔翰藻慮追春榮寥廓古今意縱身
陟天京聖德淵未艾良友終和平素餐流歲
月夢寐忝所生泠然激歲風落日千載情耕
鑿北山下煮石飯青精島藤鬱烟霧礪戶澹
餘清左思復何有坐起松濤聲伯觀社兄緘

楮索畫毋金玉爾音而有遐心詩人之意厚
矣亦系以詩崇禎戊寅立春素友吳易鈐印
一素友吳易之印

鑒藏寶璽

八璽
全